

5.

*mime heroico Latino & Germanico Alexandrino* vestitum recitavit. Cumque hic die XXIII. Aprilis publicè de *Apologiâ pro Poëtis* valediceret, BERNHARD Krefeler Laubanus *Psalms. XII.* itidem *Latinis & Germanicis versibus* transpositum adjecit. Paullò post XII. Maji Gottfried Delau Torgensis de *Leone* perorabat, ubi JACOB HOPPIUS Julinò Pomeranus *Psalms. IX. hexametris Latinis* transpositum addidit. GOTTFRIEDO MARTINI Bauzenati in *festo Ascensionis Christi* de eâdem peroranti *Psalms. X. elegiacâ Latinâ* conversum PAULLUS Gottlieb Berlichius Dresdensis; eâdem quoque XI. & XII. JOHANN. FABER Budissinensis JOHANNI ERNESTO Morgenstern Budiss. de SALE valedicenti *in mense Septembri*; ac *in mense Decembri* CASPARI Jentsch Budiss. de *Christo Rege Sionis* declamitanti *Psal. XIII. carmine Latino Hexametro, XIV. elegiaco Germanico* transpositum DANIEL Ebersbach Hirschbergâ Silesius succinuit: quod officium vicissim DANIELI de *Circumcisione* in primordio anni M DC LXIII. valedicenti idem Jentschius exhibuit, versionem *Psal. XV. Latinam elegiacam, & XVI. Germanicam Alexandrinam* memoriter recitando. *Psalms. XVII. Latinis hexametris* indutum itidem memoriter recitavit ELIAS Berger Bauzenas, quum post festum Pentecostes d. 23. Maji de *Genere Judiciali* valedicens perorâisset JACOBUS HOPPIUS Julinò Pomeranus. Ita d. XXI. Septembr. valedicenti DANIELI CHOINANO oratione Græcâ de *Laudibus Psalmorum*, memoriter iterum versionem *Psalms. XII. elegiacam Latinam* recitabat MARTINUS BUDERUS Hochkirchâ-Budissinensis. Suprà jam nominato NETTELBACHIO de *Medicinâ* memoriter dicenti JOHANN. HENRICUS Mohdrach Camentianus *Psalms. XIX. & XX. elegiacam* versionem subjunxit.

Annus cœperat hujus sæculi LXIV, ubi JOH. FABER Sentenbergensis oratione justâ Latinâ *Soteria* celebrabat *Januaria*,